



# **Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten**

...

namentlich in Beziehung auf Anhalt, Bayern, Böhmen, ... und andere  
Länder ; [Urkunden-Sammlung für die Geschichte der auswärtigen  
Verhältnisse]

**Riedel, Adolph Friedrich**

**Berlin, 1858**

2563. Lehnbrief des Römischen und Böhmisches Königs Ferdinand über  
Cotbus, Peitz, Teupitz, Bärwalde und Zossen, vom 23. Mai 1538.

---

---

**Nutzungsbedingungen**

[urn:nbn:de:hbz:466:1-56621](https://nbn-resolving.org/urn:nbn:de:hbz:466:1-56621)

2563. Lehubrief des Römischen und Böhmiſchen Königs Ferdinand über Cotbus, Peitz, Teupitz, Bärwalde und Zoffen, vom 23. Mai 1538.

Wir Ferdinand, von gots gnaden Romiſcher kunig, zu allen zeiten merer des Reichs etc., Bekennen öffentlich mit dieſem brief vnd thun kundt allermeniglich, das die hochgebornen Joachim, des heiligen Romiſchen Reichs Ertz Chamerer, vnd Johans, gebrueder, Marggrauen zu Brandenburg etc., vnſere lieben Swager, Ohaim, Chur vnd furſten, eigener perſon heut dato für vns komben ſein vnd vns vnderthenigs vleys erſuecht, angelangt vnd gebeten, das wir jren liebden ſambtlich als vngeſunderten gebuedern die hernachgeſchrieben herſchafften, Schloſſer, Stedt vnd hofe, Nemblich Cotbus, Schloß vnd ſtadt, Peitz, Teuptzkh, Bernwald ſampt dem hoff groſſen Lobben vnd jn ſonderheit die herſchafft, Schloß vnd Stadt Czoffen, mit jren gantzen herligkaiten vnd zugehorungen, wie dan jrer liebden vorſarn vnd ſonderlich jrer lieb vater, der hochgeborn Joachim, Marggraue zu Brandenburg milder gedenccken, von vnſern vorſarn kunigen zu Behaim dieſelben herſchafften Lehensweis an ſich bracht haben vnd von vns vnd der Cron Behaim zu Lehen rueren, gnediglich zu leihen geruechten; haben wir ermerckt vnd angeſehen gedachter Marggrauen, jrer liebden, vleißige vnd freuntliche bit, auch betracht willige vnd manichfeltige diennſt, ſo jrer liebe vater vnd jr aller vorſarn, auch jre liebden vnſern vorſarn, vns vnd der Cron Bohaim oft nutzlich gethan, hinſur jre liebden vnd derſelben erben woll thun kumen, ſollen vnd mugen: Vnd darumben gemelten Chur vnd furſten Marggraf Joachim vnd Marggraf Johansen, jren baiden lieben ſamptlich vnd jren liebden Lehenserben mit Rechtem wiſſen vnſerer Rathe der Cron Bohaim vnd lieben getrewen zeitigem Rath, angetzaigt herſchafften, Schloſſer, Stett vnd hofe, Nemblich Cotbus, Schloß vnd Stadt, peitz, Teuptzkh, Bernwald ſampt dem hofe groſſen Lobben vnd jn ſonderheit die herſchafft, Schloß vnd Stadt Czoffen mit gantzen jren herligkaiten vnd zugehorungen, wie dann jrer Liebe vater vnd vorſarn, auch jre liebden von vnſerm vorſarn Kunigen zu Bohaim vnd vns die vortzelten herſchafften Lehensweis an ſich bracht haben vnd von vns vnd der Cron Bohaim zu lehen Ruren, gnediglich geraicht vnd geliehen, Raichen vnd Leihen jren liebden vnd derſelben Lehens-Erbenn hiemit aus Behaimſcher Kuniglicher macht, in craft ditz briefs, was wir jren liebden von Recht oder gewonhait wegen daran leihen ſollen vnd mugen, nichts ausgenommen, gantz vngeuerlich, Doch vns vnd der Cron Behaim an gerechtigkeit, dienſten, pflichten, Auch ſonſt meniglich an ſeinen Rechten one ſchaden. Darauff haben vns oft gedachte gebrueder Marggraf Joachim, Churfurſt, vnd Marggraf Johans, jre liebden, perſonlich gewonliche glubd vnd aidt gethan, vns vnd Nachkumbenden kunigen vnd der Cron Behaim getrew vnd gewertig zu ſein, vnſern ſchaden zuorwarn vnd wenden, Frumben, nutz vnd peſtes zuſurdern, Auch dieſelben Lehen nindert anderſtwo, dan wo ſie von Alters her hinge-



horn, zuuertaidingen vnd zuuerrechten vnd alles das zuthun, das getrewen Lehensfursten ainem Kunig vnd der Cron zu Behaim als ainem lehenshern zethun schuldig vnd pflichtig sein, gantz treulich vnd vngeuerlich. Des zu Vrkundt besiegelt mit vnserm kuniglichen anhangenden insigel. Geben in vnser Stadt Budiffin, den drei vnd zwanzigsten tag des Monats May, Nach Christi Geburt funffzehen hundert vnd jm Acht vnd dreiffigsten, vnserer Reiche des Romischen jm Achten vnd der andern aller jm zwelfften Jaren.

Ferdinandus.

Wolff de krayg,  
supremus regis bohemie cancellarius.

G. v. Loxau.

Nach dem Schurm. Lehnscopialbuche V, 149.

2564. Lehnbrief des Römischen und Böhmischen Königs Ferdinand über Croffen, Züllichau, Sommerfeld und Bobersberg, vom 23. Mai 1538.

Wir Ferdinand, von gots gnaden Romischer Kunig etc., Bekennen öffentlich mit diesem brieff vnd thun kundt allermeniglich, das die hochgebornen Joachim, des heiligen Romischen Reichs Ertz-Camrer, vnd johans, gebruder, Marggrauen zu Brandenburg etc., vnser lieben Schwager, oheim, Chur vnd fursten, eigener person heut dato fur vns kumben sein vnd vns vnderthenigs vleis erfucht, angelangt vnd gebeten, das wir jren liebden samptlich als vngefunderten gebrudern das Furstenthumb vnd Herschafften Croffen, zulich, Sommerfeldt vnd Lendichen Bobersberg mit allen jren herlichaiten, ein vnd zugehorungen, wie vnser lieber Oheim vnd Churfurst Marggraf Joachim solches alles vor sich vermuge brieflicher vrkunden von den hochgebornen vnsern Oheimen, Fursten vnd lieben getrewen den hertzogen von Monsterberg erblich zu lehen bekumben vnd an sich gebracht, vnd von vns vnd der Cron Beheim zu lehen rueren, genediglich zuleihen geruechten; haben wir ermerckt vnd angesehen gedachter Marggrauen jrer liebden vleissige vnd freuntliche bit, auch betracht willige vnd manigfeltige dienst, so jrer liebe vater milter gedencken vnd jrer aller vorfarn Marggraffen zu Brandenburg vnd jre liebden vnserm vorfaren, vns vnd der Cron Beheim oft nutzlich gethan, hinfur jre liebden vnd derselben erben wol thun kunden, sollen vnd mugen, vnd darumben gemelten Chur vnd Fursten Marggraff Joachim vnd Marggraf Johannsen, jren baiden liebden samptlich vnd derselben Lehenserben mit rechtem wissen vnserer Rathe, der Cron Bohaim vnd lieben getrewen zeitigem Rath, angetzaigt Furstenthumb vnd herschafften Croffen, zulich, Somerfeldt vnd Lendichen Bobersberg mit allen jren herlichaiten, ein